



PL
2705
.E62
v.2



Digitized by the Internet Archive
in 2009 with funding from
Ontario Council of University Libraries

定巢詞集卷五

橫覽詞



長沙程頌萬子大著

臺城路

和由父韻

斜陽又送春人去
闌陰墜愁飄滿綠
襯鷗天黃移蝶路
憶否年時尋徧卿
休再勸算已是飄
蓬兩邊緣淺那日
簾櫳一層句了一
層怨腰圍消瘦似
我沉東風昨夢
吹共鶻遠穉柳船
唇啼鶯巷口會繫
芳驄魂斷飄燈又
晚只半霎天涯笑
桃人面賸有柔腸
爲伊千萬轉

一萼紅

E62
v. 2

YORK UNIVERSITY
JUL 03 2001
EAST ASIAN STUDIES

紙煤

捻春纖熨芳心半點紅得到儂邊淺注櫻憨細吹蘭量
縷魂低裊微煙記閒趁妝餘繡罷凭玉案搓作並頭圓
水盼熏籠電迴牕罅噓暖禁寒 驀地紗幮添暝正銀
荷待上憑藉伊然卷密同蕉叢多束筍倚櫳會共分榆
化相思灰寮誰見沁郎衣彈指入重綿莫任尖風損燄
避過簾前

沁園春

實甫自沐歸送游衡嶽用劉龍洲韻

十日長沙醉帽吟鞍歸歟樂哉正濯錦坊邊舍無鵬集

湖春門外客共鶻回少日才名中原行腳落日愁登古
吹臺憑闌處指黃河一綫天上流杯岳陽黃鶴飛來
看次第衡雲爲汝開祇堯女祠荒頽雲卷幔昭王灘窄
雪浪成堆岫嶺無碑空靈只岸一萼同尋隔歲梅君翩
舉笑蒲帆東下我亦遲徊

又

疊韻贈由甫

少日文章痛哭誰如我與爾哉共重九茱萸遲簪帽去
已丑秋試清明花柳又載詩回作兩生行過三閭廟今
同中復黜日應無市駿臺狂無那儘昭常挂壁鞵替傳杯平生

邱壑將來要隔竹穿藤門對開向滄水郵亭蠻詞畫壁
蛻園池館文冢留堆買賦催予談經酌子一例齊年感
賦梅還西笑祇高城落日爲子低徊

余將入都

鳳凰臺上憶吹簫

釵和姚二俶辭韻

髻正盤鴉妝催墮馬簽衣欲下還停有兩枝龍鳳鈿盒
裝成遞向蠻奴纖手迴皓腕自插殷勤香盟負沾時泥
拔燭倦敲頻銷魂絳簾淺溜會拾向裙邊七寶斜橫
傍玉郎茸帽微印春痕昨夜癡蛾窺燄應遲剔一剪蘭
莖和伊畫醒餘枕畔暗損鸞紋

湘春夜月

湘蘋館聽雨和中寶同黃雪舟韻

夜還明小簾飄滿詩魂恰是四角垂羅低漾燭花昏一
種少年心事祇澹歡濃怨占住芳春料那邊檻側梨花
半褪空賸香存樓陰闌寂來香有路穿夢無門到曉
橫塘還只怕去時鴛浪難夠行雲煙滋露染種玉苗都
幻愁根算便有萬靈蛛結網應兜不住天上啼痕

眉嫵

和姚二易六同白石韻

又鴛行星早蝶路風冥句恨在簫眼起凭迴闌角銜泥

定身言五
三一月川
曉窺儂會妒雙燕定巢對款道別來多受春感祝花落
有小鬢蕤汝比枝上猶暖何恨清歌雲散背畫簾低
燭悽寫枯翰綠黯煙帆迴湘櫳外因誰還繫柔纜絮花
亂點未上衣先共魂遠祇今夕樓陰愁占了沒人見

念奴嬌

和姚二錄別

送春樓堞指酒旗飄嚮低黏梅雨蘭艇官河煙替暝黯
被歌留愁住燭暈屏邊茗餘裙角題滿銷魂句共君悽
惜帶圍寬褪如許還又西笑長安風郵水驛添畫相
思路強與支持惟一醜着甚塵蕤衫紵戰象枰疏繫烏

繩短總爲填詞誤分攜社晚盼晴癡對雲樹

金縷曲

湘社集刊瘞稿於蛻園西隅碣曰詩冢爲二闕

柬諸子同作

乍可同年語問羣居崇緣底物亟驅詩去楚畹春歲煙
騷淚淒黯荒江苦霧看白日魚龍掀舞等是人閒漫漫
夜好尋他一片西園土聊荷鋪且埋汝 招邀一室能
千古數當時簾櫳十二酒徒三五湖海豪情深杯裏爭
爲韓窮感遇任倦魄沈蕕花鳴劫燒紅心春宵冷化滄
虹繞徧樓陰樹天莫問恐相如

曉窺儂會妒雙燕定巢對款道別來多受春感祝花落
有小鬢蕤汝比枝上猶暖何恨清歌雲散背畫簾低
燭悽寫枯翰綠黯煙帆迴湘櫳外因誰還繫柔纜絮花
亂點未上衣先共魂遠祇今夕樓陰愁占了沒人見

念奴嬌

和姚二錄別

送春樓堞指酒旗飄嚮低黏梅雨蘭艇官河煙替暝黯
被歌留愁住燭暈屏邊茗餘裙角題滿銷魂句共君悽
惜帶圍寬褪如許還又西笑長安風郵水驛添畫相
思路強與支持惟一醜着甚塵蕤衫紉戰象杵疏繫烏

繩短總爲填詞誤分攜社晚盼晴癡對雲樹

金縷曲

湘社集刊瘞稿於蛻園西隅碣曰詩冢爲二闕
束諸子同作

乍可同年語問羣居崇緣底物亟驅詩去楚晚春葳煙
騷淚淒黯荒江苦霧看白日魚龍掀舞等是人閒漫漫
夜好尋他一片西園土聊荷鋪且埋汝 招邀一室能
千古數當時簾櫳十二酒徒三五湖海豪情深杯裏爭
爲韓窮感遇任倦魄沈蕕花鴨劫燒紅心春宵冷化滄
虹繞徧樓陰樹天莫問恐相如

又

尚有松生棟是劉郎蛻居半壑舊銘文冢鸞鶴青冥煙
姿夏千劫詩魔冷共怕岑寂夜臺吟諷駿骨黃金還輸
爾侶郊寒賸有窮堪送浮世感等無用 生花妙筆徵
前夢待招迴墨魂千點墓門低擁已過餞春芳菲節風
雨尋詩故壘呼李杜來爲翁仲似瘞衣冠梅花嶺趁宵
明有客騎么鳳拚薰葬幻愁種

繞佛閣

北征將發中實叔由連句詞來要往其家不獲

改轍和寄同清真韻

楚峰半斂騷些響寂雲去臺館箋牘書短舊吟頓有科
陽過窗幔素樽易滿花謝洞口流恨今遠煙柝淒婉
樓徙倚春邊送君岸 浙漉暗牀逼刻燭空廊明雨纔
還睠謝池春茸生水面問月逝鷗汀誰控弦箭語君遲
見怕樹底無鶯荒翠飄亂拓書眉抱愁橫展

鷓鴣天

樓上低鬟似柳枝輕寒輕暖故遲遲此時一種離人淚
流下湘江汝未知 羅扇子縷金衣酒邊顏色未全非
今宵那角紅廊路又到關門月上時

宴清都

舟夜用盧蒲江韻

生夢無鷗管，還又磻楚江。煙暝雲亂紅，樓此夜燈花半。
暈繡衾，慵暖輕冰盼。近春泮，按舊拍文簫，頓換誤俊游。
巷陌陰籠，聽歌誰似吳苑。平時鏡語飛眉闌，痕拍指
幽恨稀見。湖霞漸起朝魚刷尾定，明樓院迴波送到江。
斷可還送春邊，泪眼怕暮帆遲了歸潮。秋櫺憾晚。

滿江紅

輪舶逆風渡洞庭，湖用竹垞錢塘觀潮韻

君扁中流似接翅，排成宮闕才一午。颿輪飛過楚天如
髮帆腳祇從天外轉，弩頭遠對江湖發。倚闌干吹笛暮

雲邊聲悽越 蛟欲舞濤奔雪鴉欲唳波跳月網洲死
難出使人愁絕海上蓬萊何處所湖陰戰壘都消歇有
百靈低首拜龍堂爭持節

買陂塘

螺山旅泊

向荒灣枕風食水吟邊人共愁住紅鷺只在橫塘側一
隻遠分江浦歸夢阻恁隔著山亭水驛來時路關關四
五盼月上檣腰露涼篷底偃我背燈語 柁樓外低視
深重暝樹詩心悵觸天暮分明畫箇旗亭子不畫矮叢
和汝船六柱抵那日紅廊曲曲雙攜處拋儂俗旅怕淚

眼流枯東難到海海又變桑土

齊天樂

譚仲修山長贈篋中詞用題煮夢庵韻奉酬

妙鬢天上詞人劫東風酒邊吹瘦賺夢琴心飄愁箇眼
記曲紅紅能受花新月舊問前輩風流夜臺安否墜簡
商量石雲雙白是儂偶香篝分炷暗牖只低鬟淺夢
簾外春逗蝶徑孤翼驚天賸怨併入迴腸如酒旗亭唱
後幾貪畫黃河度關楊柳直得銷魂并波隨處有

長亭怨慢

仲修山長出斜陽煙柳卷子爲復堂填詞第六

圖屬題時過武昌

是誰畫玉驄吟路一座旗亭兩行煙樹鬢冷楓橋小紅
低按鈿簫譜恨悰顰語都變了天涯絮待坐暝鶯簾又
掠到樽邊花雨誰悟祇偷聲減字幻作斷腸詞侶斜
陽未遠可留在曲廊朱戶倚玉笛共向江城忍悽送寒
潮來去更聖解桃花同約夢魂新煮

孫有煮夢庵填
詞圖因并及之

李愛伯有桃花聖
解庵填詞圖許遊

玉漏遲

尋琵琶亭遺址

小姑江上路微雲抹向短亭濃樹水驛風來催送葉舟

三五一片羅裙血色又襯出斜陽天暮凝望處闌干不
見舊時歌侶 廿年夢到江州悵玉壘煙荒亂鴉迷渡
九派潮聲未抵四絃悽苦旗影宵沈畫堞暗簇上青燐
無語愁欲賦樓船送催更鼓

卜算子

莫愁湖

門外小瓜皮橋外垂楊樹樹上流鶯泥煞人慣學阿作
侯語 地讓莫愁家天讓無愁主待得愁生水滿時沒
處尋條路

念奴嬌

登北極閣曠觀亭是 純廟南巡駐蹕處用稼

軒登建康賞心亭韻

臺城風大撼闌干百尺驅愁盈斛醉語人來山破暝但有斜陽凝目鐘阜東蟠大江西上六代摧喬木寒鴉拚語數聲啼下江竹 迴憶翠輦南巡層巒寫詠憑弔南朝曲半壁功成湘老盡換卻中原棋局海船千屯吳天一髮驚見胡晴綠鷄鳴誰共埭前三兩茆屋

長相思

後湖荷花

鷗一邊鷺一邊十里紅紅白白天畫成秋可憐 花便

娟月便娟生小吳娃雙髻偏耐郎來喚船

西河

燕子磯覽古

憑弔淚磯頭化作江水金焦矗處海門孤峭帆去矣暮
鴉回首石頭城南朝煙樹如薺 黛和粉蘆共葦江山
此日孤寄臺城半截蔣山雲暗凋玉壘畫闌颭出美人
魂降旛遙指天際 舊時燕子竝接翅聽軍聲淮柵何
似打岸荒濤而已問新亭痛哭英雄有幾斜日樓頭人
千里

八聲甘州

送別張白琴太守

正槎回海角去錢塘家占六橋秋料移篷醉醒閒探蠟
屐倦檢詩鉤挂起西牕飛雨平挹望湖樓已換延涼曉
還睠歡游淺貯滬囊風月笑黃金散我不被清愁看
騎龍獨往明日海東頭挽申江一條羅帶繫蘭橈遲汝
向分流重來枉有闌干處空恁凝眸

買陂塘

金陵王木齋追送予海上次韻錄別

一舟停佛狸祠下樽邊人與花遇金焦雙送南朝客海
上麴波重聚渾記取祇那夕朱樓我汝消魂處簾櫳徧

數又露掠篷低風欺燭暗草草別君去
深杯影都似
看花隔霧閒情偏累詞賦沙閒柳外胡兒笑學我墊巾
欲語聊慰汝盼就菊重陽買權江南雨新絃共譜更舫
拓青溪帘分朱雀兜夢照離緒

水龍吟

渡海

青天一髮神州此身已墮天之外黑風帆去轉是誰招
手蓬壺仙界鬼國無邊鯤身欲化鱗堂何在笑書生落
拓者回東渡渾難飽蛟龍膾 球壘東縈西帶指樓船
陣雲都壞胡兒載寶大人窺市將軍橫海星尠窮區地

空藏岸未容齒芥盼煙臺近也鳥低斜日過東皇旃
長亭怨慢

天津

正催卸滄瀾帆葉柳色深青竹林潮隔權隱丁沽運租
人語柁樓月春魂帘裊款十里脂簾側貰酒向秦樓漫
相話頻年京國消息算功名未老尙想舳舻戈戟車
輪碾夢又喚醒曙鷄涼白際遠空髮浸琅邪更深窈波
翻碣石且細語羸鈴憑數波臣來驛

蝶戀花

津沽道中

暝色津亭招一舸楊柳籠煙卻被蟬聲破曲曲風來蘆
葉和夢如廿六灣頭過海浴蓬牕宵更短涼月多情
只照銷魂我愁與影兒相並坐影兒壓得愁無那

徵招

贈沈伯華

狐奴磧外秋聲送桑乾漸枯河水落日共登臺黯幽州
千里飄蓬吾與爾怨闕柳只催征騎鴈背天低鶴淹人
瘦馬嘶愁起歌筑數誰能嗟人海浮沈兩鷗而已自
古帝王州只消磨才子泥君沈醉裏況添箇小鬟能倚
聽今夜畫角吹寒變一天霜氣

水調歌頭

龍洞寺集補壽詩錄五十時予將之嶺南

百歲子過半萬里我能來長安舊游車馬宮觀倚天開
企子承明退食斟酌芳期游宴龍樹仰高槐返照酒家
壁脫帽上層臺 我行矣爲君壽掌中杯簷桃漸熟門
外空復有黃埃願祝東方一士早晚南州典郡政寶復
廷推墨妙幾心許須寄嶺頭梅

時君方
乞郡

齊天樂

餞席

詞人例有花邊福驚秋鬢絲如許淚搵鸞鏡香銷鳳靶

歲鎖斜街深處狂名奈汝尙燕外關河盡餘詞賦編夜
相思一痕低挂鳳城樹 天涯儂去更遠甚西風吹斷
霜塞羈羽疊損桃花研餘麝墨低黯湘權愁句停尊暫
此共款語英游頓消芳序警夢羸鈴後朝剛十五

點絳脣

趙北口

水縮天低柳絲不要人扶起連橋十二畧帶江南氣
趙北燕南從古銷魂地闌干倚鴈行天際逗人人羣裏
疏簾淡月

夜發河間晨過滹沱河

馱鈴喚起又趁入襜帷四更天氣沙色籠燈不辨馬蹏
痕細層衾裏夢霜逾重問宵醒帶人醒未亂塵迷轍屨
星幾眼照愁而已 悵曉角催人卅里認行行煙樹近
滹沱水鴈路微茫低映扣關行李蕭蕭自古堅冰渡騰
橋邊蘆荻荒壘數家村店酒旗斜矗向空煙裏

玉燭新

富莊驛旅懷

中原孤騎走又黯黯斜陽那邊亭堠斷鴉選樹人空在
南北關河回首飄蓬未省祇帶眼偷窺儂瘦輸此夕殘
燭風簾衣塵倦看蕤酒 年時鈿約秦樓記扇帖聞臨

帕題重繡玉徽暗奏星窻外一架天藤爭秀榭痕孽綴
待寄訊茸窗鴛偶偏夢覺霜鴈聲悽交河斷柳

永遇樂

徐州登燕子樓用坡公夢盼盼韻

見燕兩韻
從夢窗

曲榭羶雲亂峰挂雨羈縲無限往事闕于病餘歌拍那
許閒游見美人枯淚斜陽立盡城外細流都斷驀相尋
桐陰鴛鴦冷霜一宵飛偏鳳牀塵黯鸞牋香盡指印
尚迷窗眼社暖泥銜尚書冢上日數歸來燕白家詩在
蘇家夢好恁識畫樓恩怨祇梁畔雙巢倦羽昵人自嘆

清平樂

宿州城南隋隄

鴈和霜咽近作江南客
髡柳不堪儂再折一帶隋隄窄
窄風淪雨宿推排錦帆何處人來寄語
閨中夜卜明朝燈火清淮

滿江紅

晨謁露筋祠乞順風比歸舟而旗脚已轉用類
迦效白石生故事韻書以絳箋焚之雙湖以當
送迎神曲

初日叢祠已褪了蓮衣
茜香荒灣轉換回旗脚
靈祿親將歌罷野風門外
曲月邊行纔有王郎踏湖天
飄墮五

銖衣雲錦章 蚊雷歇催曙光來
檣隱去帆忙甚隄邊
白鳥長是孤翔三十六湖樓上立
闌干迴似女兒腸
奏神絃吹浪起鱗鱗搖佩璫

玲瓏四犯

泊邗上寄湘社諸子

驛柝遞寒橋燈呼酒隋家花月何許夢遊曾十里漕水
無今古傷心鮑家枉賦尙年年阻烽江浦故苑蘼螢覆
關喚渡相望正懷苦 珠塵暗香飛路有停驄巷陌驚
燕廊戶青衫嫌淚少白骨橫潮去平量月底珠簾恨儘
分照關河孤旅還寄與籠沙夜湘邊鴈侶

卜算子

渡江

一幅峭帆輕十里瓜州渡雙槩桃根少箇人共我橫江
去雲想六朝花風急三山樹鎖着金焦不放行便好
秦淮住

醉太平

北固覽古

孫家仲謀劉家寄奴百年天塹荒蘆豈英雄意乎 秦
淮聽烏京江賣鹽掀髯莫賦歸歎作東吳酒徒

念奴嬌

吳淞口

未歸南北又長江西上扁舟東逝大九州才窪數點中
 外平分一平作水醉領鯨杯寒披鶴筆目倦姦輪駛邊愁
 塵夢海天清角吹碎 過時浪迹徒存天浮山轉窮髮
 茫茫裏一塊人間無用月辛苦相隨何意燕北呼屠嬌
 南續雅汗漫青衣指重尋黃歇成樓橫臺煙際

好事近

餞席

離盞不堪持何況臉紅春膩酒醒四更人去趁茫茫龍
 氣 畫樓橫斷柳橋陰潮添過船未說與相思拋在有

梅花天地

木蘭花慢

題徐仲可純飛館填詞圖送歸武林

築湖西勝處山比瘦水生肥儘爲檻藏雲鷺窠明雪小
隴深移相思玉梅春淺怕煙闌畫砌已都移貪熨紅簫
拍暖慵將白練裙題烏衣嚼曲似卿稀純想墜容飛
要聖解從心僊爲搔背佛只低眉催歸詰朝渡海向龍
堂喚箇鯉魚騎盼煞西冷畫槩小眉人凭蘭磯

蜨戀花

滴滴露珠和粉罩簾冷牕明影浸芙蓉小巷曲鈿車聲

歇了語香猶欠郎懷抱
海角天涯魂夢繞
泪眼秋枯
比似銀灣少
特地一衫新繡
好黯愁眉澹
無人掃

水調歌頭

端州閱江樓送方子順入都

樓上別君早
無奈荔枝何
西江一條組
練飛艇出
祥柯
此去日邊
萬里徙倚闌
干百尺春
老蛋孃歌
三兩醉中
語醒後
慎無吡
江山好
文字役兩
消磨開軒
幾番試
硯溪品
較量多
燒透木
棉城郭
溼透黃
梅節候
計子越
渾沲安
得五色
蝶馱我
入浮羅

祝英臺近

湘蘋館圖

兩重心三五夕江上翠樓倚皺冷西風吹夢不成水那
時睡著鴛鴦采香人過也偷避曲闌燈底忍輕棄畫
中雙槩盈盈湘天薄於紙月暈煙清迴樽共馬几似曾
聽雨灣頭花花葉葉沒穿過鯉魚紅尾

清平樂

南漢鑿西湖以通藥洲即今廣州學署之俞園
花農學使於池旁築亭額曰補蓮仲可爲圖屬

賦

闌紅涼意彖曲闌干底消盡藥洲天子氣配箇蓮花君

子梅兄替弟堪誇算來何似徐家怪底湖名西子也
隨人到天涯

買陂塘

吳趨印人謝庸梅石盦圖

認蕭寥半盦佛平作火吟邊人共花老評量鐵史先生傳

一幅書溪圖稿天暗惱儘八體雕劖古意臻元妙秦搜

漢討怪頑石能言梅花有約兩兩點頭笑 闕于外歷

斷盈盈翠篠冰魂長是孤傲鴛鴦湖水春前長歌槳有

人搖到臣所好但刻畫能為白髮供吟嘯丁鈍小黃松蔣

山趙次漫割就雲腴排成篆勢遺派浙中巧

又

題徐菊農珠江載月圖

問珠孃小眉秋色一

一作平

船能載多少瓊纒柔曲燈如水

拚賺冷鴛紅笑歌乍裏也略似吳閶略似秦淮好潮生

玳瑁有海氣霑衣花枝隱檻扶醉上樓了 徐陵詠記

取泥鴻半爪花田歸艇搖到生香髮如梅邊夢忍負汝

波雙擢潘鬢悄甚卧酒吞花惹卻閒鷗惱旗亭畫稿悵

明日離筵海幢寺下鐘韻咽林杪

又

珠江錄別爲菊農賦

十髮居士全集

卷五

七

鹿川閣

宵今宵四廂花影層層低拂濃繡留君紫蠓珠燈晚又
到送君時候珠淚有怕一樣唬多減了鮫人瘦船明替
畫怪點屨身輕扶梯手澀兩兩斷腸鼓 天涯別第一
休嫌中酒歌顰梅意先逗闌干百尺兜人住還要片時
將就相記否記那夕提鞦那夕雙攜手低鬟弄袖恁背
語琵琶潮生月墮耐得五更久

滿庭芳

藥洲病起

苔暈句廊蘿痕冒帽負他十日池亭薄寒欺病籬蝶太
伶俜秋在橋邊那樹無人賦儘和風鈴遲還趁前灣墜

葉吹雨戰空舫
恁惺潘鬢減年時瘴海人似枯萍蠹
倚樓呼笛隔燭調箏不奈鴛鴦艇子頻載夢拋閣迴汀
先闌望懸燈未上涼蝠觸簾旌

定巢詞集卷五

定身詩五

月

定巢詞集卷六

石巢詞

甯鄉程頌萬子大箸

水龍吟

白海棠

倩魂飛向人間滿身都帶蓬萊雪瑤臺半倚花莖深種
洗妝無力西府藏嬌東皇試剪妒他顏色睠縞衣妃子
茜裙低映空飄到留僊裙吹瘦東風涼白一枝枝是
儂愁魄柔香膩粉三分成夢七分成月卻厭人家幾枝
紅燭照儂今夕問沈香昨夜可能同夢梅花消息

沁園春

十髮居士全集

定巢詞六

一
定巢詞

袖裏鳳鞵能貯堪記取記閣上眉尖愁重花無語蘇家
二女怕油壁西陵洞天別有能引鈿車路 仙鄉好何
似柔鄉與護巫峰深處藏汝春回窈窕煙霄上斬卻煩
絲恨縷行共雨攪夢裏梨花替把情天補衣裳想誤又
十八鬢低被風吹損橫過鵲橋去

臨江仙

五月江城如畫裏桃根雙槳迎來梅花落盡繡簾開妝
樓三百樹花塢隔琴臺 藝罷鴛鴦心字餅舊牕茸唾
親指澹妝慵與畫殘煤鑪熏低惹袖釧響怯行杯

徵招

王幼遐懷況夔生金陵為秋牕憶遠圖並衰栖

霞寺殘碑二段屬題

臺城樹色斜陽暝殘鐘隔林催到罨碧舊山門黯楞軒
孤窈古苔縈繡葆指江令斷碑無帽翠墨衰題赤泥鈐
印認滄桑稿 燕市觸悲歌絲絲鬢迴憶故歡同調賺
破嫩寒天是紅簫聲拗背唸秋易老恁詞客霜臺焚草
海門月幾夕從君趁騎龍煙島

憶秦娥

南淀觀荷

掀天浪一紅飄墮秋池上秋池上橫拖玉螭照愁無恙

愁天畫出銷魂樣，愁人況有銷魂唱。
銷魂唱，西風道海怕枯鴛漲。

蝶戀花

玉女牕邊曾一笑，桐葉芳題待索。唼秋藁，茉莉鬢低裙。
秋小兒家愛唱江南好，蛻月層濤。秋夜編橋路，元霜黯共何人搗。吹徹玉樓笙未曉，瑣窗一夢紅深窈。

又

畫玉簪月季

慵此秋苔弓印滑，愛忍甜香私禁檀郎。拍白暈掌窩黃。
暈頰玉窗新水盤龍匣，罽袖未妨簾影匝。夢倦紅紅

錯被春寒壓畫了，還將私印押泥儂。爲署南田法

臨江仙

畫白菜紅蘿蔔

憶得年時京雜貂裘夜，擁鑪紅脆菘肥。蔔一盤供玉人。
瀟未唱櫻巷月，初籠少日才名。落拓偷桃竊比仙童。
支那菜色畫屏中，神州非瘠土，鬼谷儻文窮。

壽樓春

夔笙過鄂，餽居鶯坊，喜贈用梅溪韻

登江亭，尋芳悵魂疎。十載風雨吟窗，乍喜帘陰過巷樹。
顛斜陽，攜茗椀清君腸。問鶴樓題詩誰在，祇袖底京塵。

樽邊楚笑愁醫瘳梅妝
涼颺胃清宵長盼星河啼羽
催度仙腔幾夕悲秋儔侶
鬢絲堪傷同老大歸無鄉
牘
渴消相如費郎驀檐雨催
詩雷車未忘推阿香

清平樂

自題詞卷

新詞幾卷已擅人閒豔料
得此身無可遣儘著香悽粉
戀海波卷過天東陣雲妖
血腥紅一例啞啞暗暗鶻
愁訴與東風

齊天樂

題張雨珊年丈湘雨樓圖

危樓一角江天暝
 麋峰斷霞拖
 雨樹外鴉寒梅邊鶴警
 圖入烏闌吟譜開
 簾靜於恁壑卷松濤
 檻蕤花絮招辨
 吾鄉玉差而後幾
 騷賦 新詞歌徧井水
 記吳篷背閣
 湘瑟移渚老鳳靈音
 哀蟬賸曲霜緊瑤牕
 桐樹橫霄鴈
 侶待柱石中興漏天
 媧補謂治秋尚書
 夢奠西堂剪燈秋共
 語

又

和繼左菴按察見贈

洞庭東下秋無際
 詞仙曠懷慵寫臺
 眸尋梅湖孺聽笛
 廣和舊邦風雅朋
 簪近社又論古匄
 齋夜樽歡把憑弔

江山老漁何處共樵話
朝班驚夢歲晚紀東華軼事
人倦馳馬抵掌蕢洲希蹤石帚愧我歌成暗啞邊燈夕
話間對舞琵琶客何爲者菊外霜濃一鷗深慰藉

金縷曲

和武昌教授劉芙蓉見贈

愛下班書酒任浮沈金臺晚鞚馬牛雙走老去功名希
三絕尙哆談天笑口頻抵掌當年韓柳光怪爲文今誰
似幻龍堂蜃市無成有醉擊鉢醒撞斗詩壇輩行論
先後幾蘭宵江城沈澹風騷容剖畫壁期吾新題石辛
苦補將天醜且莫放銀尊隨手縞夜梅花詩魂醒盪斜

牕疏影迷窠日雲又蝕月邊狗

又

李文石屬題柳如是像同中實韻

好色何妨叟問幾人儒冠寔室念忘投豆多識舊時亡
 國恨老去詩樓共守消艷福今生難殼寂寞絳雲書燼
 外斷知聞恁對瓶中柳人與畫兩倜傥 蹟傳八艷藏
 真否渾怪那虞山瘦黛雨中愁透淒粉零縑珍重意可
 許眉樓為友結殘局南朝閩秀誰為湘蘭鏤琬印貌娉
 婷絕勝丹青手吾欲拜奠卮酒

朱鶴年畫中有程穆倩
 刻馬湘蘭像印極工

滿江紅

匄齋尚書藏秦權重五十三斤屬題

笑問秦權可識得博浪椎力到今日六州鑄錯尙留頑
鐵牽犬客遺都市語騎牛仙向函關別贖金緘淩鏽在
人閒誇功烈 斗莫剖衡誰折鹿誤指羊成劫幸元戎
稽古摩挲銘刻五十斤看程準在二千年並尊彝列有
鄴侯編架未燒書存遺說文石釋詁
版甚新稿

清平樂

再題秦權此重五十二斤為咸陽民間繫犬物
吳憲齋尙書得之今歸匄齋

祖龍去久人識遺權否繫犬人家存篆繆不是東門黃

狗 憲齋圖史清娛旬齋風雅相如金石河山並壽一
時南北尙書

又

題楊惺吾藏漢建昭三年鴈足燈拓本有後大
厨三字又有今陽平家陽朔元年賜畫一至三
按三年至元年一紀

金缸未曉鄴杜離宮悄掌上僊人金小小莫更露盤傾
了 後厨曾賜侯家餘光分照龍沙一紀西京夢短桁
衣飛燕欹斜

南歌子

題李文石祕戲鏡

無帖金堪鑄龍垂錦作茵翻從摸面見全神莫誤鄰家
鏡聽有橫隙素女誰教子黃圖補祕辛漢宮三十六
番春贏得相思骨照土花新

大酺

題貞林秋憶圖用美成韻寄玉簪姊

對堡煙橫溪庵靜霜羽朝啼林屋河橋窺鬢短訝鞭絲
梅萼嫩梢寒觸樹哺環鴉沙圓聚鴈斑憶湘灣叢竹終
朝看雲減數針樓倚處棗林紅熟歎歸計沈冥谷深人
悄袖蘿幽獨官程催去速黯林晚織磴妨脂靨漫幾

度屢砧遙警義檄空承向中原自傷心目繡嶺冬青迥
嗟弱榦歲寒蟠曲指圖畫蒼葭國羈魂吟返三徑初登
禾菽養堂共移翠燭

角招

題冒鶴汀水繪盦填詞圖

怪秋瘦皋橋畔祇餘恨闕煙柳玉鞭慵喚酒敬檻雨輕
飄帘春綴梅庵在否牘一鶴天寒能守怨魄空簾穿暝
看危石數峰存鎖樓陰牕岫回首買絲定繡江山縱
改不替詞人後鉢池縈蔓翫暗冒苔枝愁邊歌袖闌干
似舊畫不出前身誰某兩白白石旗亭賂秀要明月

梅花來相就

南浦

題李文石明湖秋泛第三圖

晚浦浴輕鳥背客亭船歸漸入花暝風笛過湖樓闌干
側梳裹並故明鏡鴛邊酒罍半帆留住斜陽等瑩露似
墜疏香又飄燈誰家簾影江潭更寫新圖已隄柳清
枯汀荷香盡一水慣銷金中年別都似嬾鷗心性山城
遠黛那般晴雨全無準艷聲莫遞蘭橈怕湖塢癡龍愁
醒

菩薩蠻

題匄齋藏魏銅香鑪銘曰青龍元年三月二十
五日中尙方造銅香鑪重三斤十兩第十二

籠鑪飲扇黃金合雀頭低颺宮簾薄何似建平年
鴟夷
楹似船 上方銘刻貴曜吐玫瑰媚十二紀青龍分櫛

記攷工

鳴鶴天

一捻身裁十樣香干枝銀燭百盃狂清歌明月相逢夕
得枉高樓幾斷腸 風艷艷思悵悵人生何處可為鄉
莫隨燕子量歸路曾是紅梯界綠楊

又

晴雪流澌買碧江小樓深處吠仙彪十年前事拋紅豆
數向燈前尙一雙春未老鬢先降琵琶冷抱不成腔
三生幾共紅樓夕水在簾櫳花在窗

浣溪紗

九日吳文節祠山堂和節庵中寶連句二闕

淡月籠雲別後廂黃花瘦也又重陽樽前風雨滯年芳
有恨但填精衛海無愁合住白雲鄉人闕早謫玉卮
娘

又

茆屋清秋待補蘿冷蛩三徑意云何夕陽天遠接鷗波

畫出相思雲樣紙織成消息月中梭不教才思不消

磨

又 附錄二闕

梁鼎芬 易順鼎

原作

玉女飄魂在郎廂高城微雨又斜陽晚花且自惜年

芳芬 酒畔不須愁似海人閒祇合醉為鄉莫吟金

縷感秋娘鼎

又

天末涼風到薜蘿故人寥落意如何靈旗木葉洞庭

波鼎 若待寫成尋鳳紙莫因坐久擲龍梭世閒何

事不消磨芬

又

爲節庵題子申畫梅

倦倚晶匳一萼梅
鏡香未剔總成灰
娉婷顧影立莓苔
寒月昨宵猶在樹
詩情今日且銜杯
緣窗風過有人回

蝶戀花

午日淮舫

笛韻穿簾風細歇
畫舫榴紅又過秦
淮節人面桃花渾
未別番風底事催
鷓鴣家在苧蘿溪
在越生小天然

錯愛成嬌絕暫許紅香和露折扇羅乞與團團月

壽樓春

張彥雲得湖州薛仰峰鏡背鑄思娟二字為娟

鏡樓圖屬題和伯弢韻

杭堇浦題碧湖雙漿圖詩云薛家鏡子照梳鬟

黛梳何曾一日閒夫婿愛誇新樣好畫眉只學小敷山謂仰峰所鑄鏡也

卿生來天然但思量愛好娟楚如仙幾度雛鸞栖影玉

獨調歡香不鏟門中蘭引舊愁春風無端問涼月匳低

鵲雲琬麗芳照自何年

樓望

平

兩人非煙似壺藏唾

小圖妒眉編化鶴歸來吳市夜牕寒妍弦在月猶能圓

待甚時重窺嬋娟祇顛顛張郎相逢拍肩雙可憐

沁園春

題石巢七曜圖二闕

笑詫石巢石如人何非人不名指高牆日過小亭風入
東西牕岫時變陰晴友石頻年石能做我便欲驅之海
上行行行未肯留將真面伴我三生 芝嬋勸蓋多情
也生小湖山怨不平但倚闌閒笑拜君無益且牽蘿屋
來供芝靈石曰不然君能兄我抵似胸中十萬兵須橫
掃要踏翻酒壘踢破愁城

又

對飛仙巖倚老人峰坐君子齋看籬陰凹白庭心疊翠

月明三徑似有人開爛到塵揚補留天孔功罪何須問
汝來深深院算陰陽向背天早安排 圖中七曜崔嵬
似星拱人間避債臺恨招之不至推之不去何時點首
笑倒于思見說三皇搏人未就辛苦搏君作禍胎歌還
哭爲吾巢作記汝亦雄哉

賀新涼

南泊觴荷

脫帽金臺酒指近城西山卻背冷鷗盟友鷗外荷花三
十頃倒映觴菱苑柳橫略約鈿車頻候畫槳移來波路
窄便探花倚檻花妨肘吹一笛晚風瘦 剪淞去住銷

魂殼又幾日移船近看北垣星斗今禊南河亭子正醉
煞煙洪晚繡問爭似鴛湖鶯脰酒暈晶簾花氣溼已斜
陽墮在溪前後張翰約問誰偶

水調歌頭

題孫竹筠太翁倚松小照

儒術治中國想見草堂風鬚眉英爽如昨檻外撫長松
手拯荒渠哀鴈氣奪窺江湖馬兀傲不言功垂老金門
客鄉思冷吳楓市燕駿歌楚鳳歎猶龍先生自有千
古豈獨萬夫雄喬木故家圖畫子弟江東王謝遺訓語
良弓坐嘯百齡促山水永高蹤

又

畫石贈龔靜老

無石補天醜畫石壽先生石巢今夜秋色何似靜園明
不放先生歸去拗取松枝作杖閒繞石闌行石罇菊須
拆黃紫兩傾城 醉江月呼處士笑長庚一杯到手狂
絕七十尙崢嶸詩句雕鏤元氣畫本編摩壽骨頑石也
都靈祝以百年少更畫萬年青

百字令

題吳玉才吟秋圖

替花顰酒記蘭宵賭唱紅簫詞律石几蘿牕兜檻轉活

火烹茶如雪笛背風搜絃攬雨潤四稿希君特竹西歸
未相逢游倦詞客 翻笑縛虎雄心屠龍末技祇趁閒
瓢笠掃葉飄燈龕佛供來祝菊作平花生日帽與籠頭卷
妨橫肘頰玉歌前立一漚閒趣冷香吹上瑤席

定巢詞集卷六

十髮居士全集

定巢詞六

三 鹿川閣

定身詩六

三
一
鹿川

定巢詞集卷七

鹿川詞上

甯鄉程頌萬子大著

暗香

題子申畫紅梅和夢牕韻

墜巢冬葺款舊時月色中門斜闔薄醉暈朱疏檻低鬟
扣花濕蟠屈檀龍噴火裊空際晴香稠疊儻畫向山驛
僧樓煙冷殢愁靨歸急亂雲葉盼管領瘦春茜魂安
帖遠移夢接獨作平自黃昏怕深入芳約彝陵路杳空寄
訊玉梢殘蠟黯歲序飄盡也墨深恨匝

望海潮

王息存小象巖際一神女撚芝翩然欲下扇存
余篋十年題寄

模金蠶客撈珠綃女天痕淺潤衣香圓樹畫溪孤龕甚
處閒悰我佛評量釵鬢漫吟商倚瘴天楚些情海啼妝
拾葉炊雲抱芝來倚歲星傍江樓酒醒春忙更騎羊
遠嶠拾翠炎荒飢朔啖桃饒坡說荔杯行且付卮孃緗
佩弄紅芳又夕暉冒墅朝渡分航掩芒層城幾時重見
話滄桑

蘭陵王

王子仲春來別石巢用美成韻

女牆直迴闕山亭路碧東風緊飢唳畫眉飛撲簾旌舊
紅色無家任去國誰識尋巢倦客靈巖畔雙柳勝人髮
鞞春梳謾尋尺 遲徊見歡跡幾刻蠟堆屏翻酒瑩席
惻書鼠與蟬交食更鈿閣脂滲繡牀絨亂驚魂飛似箭
過驛贖堂闔南北 悽惻素塵積又故燕傷心來話岑
寂兼旬欲去無情極黯近戍搗鼓廢樓聞笛銅龍宵涸
似送我淚慢滴

南柯子

石巢植牡丹三年今春移巢西鄰始得一花爲
詞以慰之

寶靨圓時媚檀心拆處鬆三年香斲碧闌叢今日一花
開慰主人紅 福笑兵前折巢驚亂後同死灰寮底嫁
春風不傍尋常富貴可憐蟲

定風波

飲蔡耐盦餘圃

莫倚春慵不看花花邊能賸幾人家前度持觴花靨靨
重見玉蘭叢碧上簷牙 水閣半欹兵動後藥欄貪看
日西斜商略詩籤兼酒券聞勸世途爭避路三义

又

餘圃折白桃花

風韻籬邊絕世人素妝和雨澆殘春等得晴初親拗折
輕雪恐教吹作路旁塵抵死要留花活計餘生拼得
酒溫存歸坐膽瓶紗間隔嬌劣小春能夠幾黃昏

水調歌頭

九日與顧印伯攜榼渡江飲王病山齋中和稼

軒九日韻贈印伯

流浪復流浪城曉一門開問君今日攜醖甚處陟崔巍
毀卻乾坤我在賸有中流詩艇招汝定能來風雨失盲
怪樓閣影纖埃驚落帽添野水向金杯闌干迷望平
楚戰骨滿蒿萊白髮新更短今歲簪萸非昔不敢逕

登臺拚照江蒼莽且共月徘徊

又

與印伯追話庚戌九日吳祠山游前二歲爲節
庵及予主楔君時皆令武昌未與疊辛韻

詩句吐光怪口吻向天開天公被汝驚卻墜石下崔巍
被楔吳祠三度兩度臨皋秋晚披氈不會來抱膝和梁
父揮袂障驚埃 牕八面山一枕酒千杯兩楹雕俎何
在殿腳莽煙萊落佩倒冠相望老子鬢眉偷換扶杖睇
疆臺酒外一無事形共影徘徊

又

三疊韻贈病山并示四峰百遲竺友湜生

道戰老吾輩酒戰屢尊開今宵各挾詩戰山玉朗崔巍

座擁弇州四部人愛江天重九社遠少兵來忽報雨天

粟頡哭海生埃

湜生言近日海上天雨粟之異

孟嘉帽陶令菊謫仙

杯文章何必千古身在已蒿萊流過江頭峩雪送到窮
荒笠屐無地慟西臺人事強離合天意忍徘徊

又

九日四疊韻題酒人抱甕圖

江望入秦赭暝被酒烘開白衣爲我送至山甕索崔巍
歲歲登高頌酒今歲天官改麻定誤酒星來仙謫本非

謫起舞叱氛埃 長鯨吸蜃螺侍海爲杯樓搥更事洲
踢翻手上蓬萊那便開軒就菊但道懸香有桂節換竟
登臺入甕汝休矣歌哭兩徘徊

又

十日偕印伯還武昌病山遲父步送渡口循覽

夷場五疊辛韻

叉手信江介詩境險還開斬齊江樹如沐鐵檻瑣歲鬼
綺轂香塵平砥洞戶晶毬連晝歌吹似人來坡老飲旣
竭東海漲黃埃 宿羅胸山起面暫停杯分攜一舸天
遠爭道故園萊電掣駟蹄茸扇風眯層牕花眼歸去認

樓臺良會耿如昨今別隻徘徊

又

十日歸舟望黃鶴樓六疊辛韻

人昔去不

平作

返天訝鶴沖開憑高爭寄遐想巨筆插峩

嵬千古樓頭崔李未肯題詩九日更賭阿誰來天水莽
一色遠唾淨無埃 予生晚恨不共古人杯虛夸謝眺
戰勝去剪北山萊幾度廢池喬木暗觸江東兵氣如月
灌樓臺與擊渡江楫去住總徘徊

東風第一枝

壬子中春晤子申漢上別之漚瀆以詞見寄改

歲檢錄賡韻寄情

槐茁松毛簾縷竹尾新年還借杯暖瘦香晨火添篝燭
淚夕妝界綫兒童爆竹賺滿地紅心攢箭怕早春頻返
樓臺暗共落梅飄散君去惜半江浪剪儂竝憶漢皋
佩緩廢池猶厭言兵畫梁更無燕管鐙期雪妒謾粉飾
江山平遠料海塵愁宴宵闌冷睨舊人等鴈

花犯

齋頭紅白梅盛開慰情感豔和夢牕韻

鬪斜妝輕鬢彈雪梢紅破初曉翠禽啼到怕碎月簾櫳
孤恨難照鬲溪半樹兵前見封牆苔又老耿素魄古林

獨寤愁仙慵鬪草
深宵夢稀況燈前窺飢鳳澹伶仃
修衣縞心一點鑪香折抱伊媚小催橫笛歲華易盡花
事共江山偷換了漫賭畫舊時宮額量愁春更杳

又

水仙和夢牕韻

玉苗條傲春歛萼涎香膩添暈淺簪籠鬢摩素瓣泉温
移燭低認翠眉暗蹙綃纏緊凌波仙步穩妒雨過一天
翠色香嚴開未準
生涯夢中誤蜂黃排籤密乍醒湘
娥幽恨寒月曉梅窗畔小紅羞韻沙邊坐又移瘦石誰
喚起眞仙低綠鬢暗對翫十三行帖神風歸棹引

疏影

子申自海上畫梅題詞見寄和韻

蘿牕映雪趁澹煤迅掃天色都活屈攬交枝斜上旁行
 無人肯為儂折江城漫賭先春豔怕笛裏驚魂猶怯傍
 硯山冷替羅浮待喚夢仙騎蝶 親拂黃筌筌院本翠禽
 並宿晚空逕苔節 去歲於葉奐份觀古堂見南唐黃筌畫紅梅翠禽巨幅 墨暈冬
 心波濶黃昏黯寄鶯坊留別槎枒不慣春風管慣愛好
 一生清絕誓再生莫畫飄零願蘸指頭書血

木蘭花慢

題四峰仙源歸權圖

九州鴉外盡更何路引人還指岫碧簪螺溪紅襯綺柯
爛前灣秦人儻相見也笑今番能幾漢衣冠雙漿誰賡
餘曲一篙拚走曹瞞投閑空際煙巒花煮粥黍爲餐
但斜陽低處小桃流水不夠河山漁郎莫兜櫂轉阻谿
重無計斂花關儻共瞿仙晚寤半牕月白鑪丹

絳都春

海上遇夔笙贈詞答和

雲涯恨裏對短鬢夕陽緇塵浮世種柳漢南同賦消魂
人無幾琅玕芝館經行地怪巢燕銜泥爭墜亂鐘催客
虬壺賺取兩襟冰淚英氣年時酒被倚危檻幾度問

天還醉古鏡貯愁側管吟商烏闌字蠡舟春黯湖陰睡
等拋卻人天閒事奈他草閣江深亂蛙又起

浣溪紗

初度日和夔笙

簾角飄燈雨未休料量多半酒中愁遲年五十欲平頭
海色拗晴來沙社樓高何處見吾州他鄉能老況温

柔

握金釵

和夔笙韻

濕翠偃磐陀寒瓊抱瑤草暝蛙池上爭道著處藏身即

壺崎波一剪盪愁根
萍未老 海色驀烘屏
龍堂鏡空 曉枕邊山玉
頽倒似聽提壺喚春好
晴又雨暖還寒花
怎料

高陽臺

贈仲可用夔笙韻

放酒酬鶯馱香信馬襟歡尙憶芳時坐
暝簾櫳一詞商 遣燈知暝尊迴照江湖夢
更何人掌上腰肢怪蘭荃不共春嬌卻話年
遲 晦蕭竹載飄萍侶記湘絃警夜鄉語
何其眨眼斜陽玉窗誰弄參差墜巢勞燕驚
相訊道 浮生不是無涯喚吳船訪柳湖西
莫任東吹

予將往游西湖

掃花游

黃浦灘夕游和仲可韻

鈿車過雨乍柳外鶯梭海塵吹暝墜歡耐病怯餘寒半
 臂纈鬆斜領倦勒章臺莫認髡前鬢影背芳鏡似鏡作平
 瘦夢迴花鞦愁凝波嶼車共凭甚弱絮柔絲裊春還
 定暮江路迥算十作平年載酒未妨鷗性那是旗亭畫出
 斜陽淡靚待歸聽度寒山隔雲鐘冷

齊天樂

題吳玉才竹屋填詞圖

禪天緣夢圍僧住中邊更無人我鳳尾捎雲龍吟蛻月

深閉重簾清課齋
霧計左悵倚蓬鸞坊
省鐘雲卧惜取
嬋娟舊綠驚被暗塵泥
江城飛鏑似雨甚年時
盡篋都付篝火蔡賞會
淹高癡欲語老去填詞
誰和牆陰萬箇儘玉戛
風疏翠交煙妥那不桑
塵暫留深處可

鶯啼序

壬寅夏見彩雲於都門今重逢海上夔笙擬贈
余亦繼聲

情天靚霞界暝殢淞簾夢雨騎來晚重繫箏坊看花人
似前度怨尊共山顰易夕歡塲事往仍孤注檢衫塵閒
證釵鈿黯埋花絮舊劫仙巢涎尾燕子指神山甚處

儘惆悵驚浪藍橋殿鸞人換歌舞傍荆駝宵迴繡轂綵
燔下琉璃交護惜剛風輕鎖瑤房質迷空霧 西王母
笑北燭人歸畫圖睽舊侶謾問訊浣溪春騎踏月呼影
罨畫移家廢絃安譜勻蛾倦碧量腰驚瘦生來隨分能
傾國閱興亡只在斜陽渡新亭涕淚闌干拍徧無人勸
客惜取金縷 雕屏暝燭賸說無雙尙舊家燕戶暗替
數相思徽軫入破濤聲鳳咽仙山鴈迷平楚關河墜羽
開天遺事黃金何物能鑄淚甚風波容易蠡舟去登樓
無那秋悲第一江山斷魂見汝

鷓鴣天

有箇盈盈畫不真樓臺風裏上京塵
暫傾簾底醪醑酒錯認梢頭荳蔻人
天小有月斜分花前爭擁玉崑崙
江南芳草無多地請試娉婷馬上身

又

菊後梅前見一枝聰明眞箇比紅兒
疑郎設想三生語坐我慵妝兩小時
呼桂姊趁蘭姨東風信息小喬知
高花冷眼紅樓角誰更微之與牧之

攤破浣溪紗

題劉葱石枕雷圖四闋

一枕雷聲萬壑冰兩條絃子數重綾
指印尙傳唐女部

鄭中丞

葱石得唐大小兩忽雷為韓晉公所製進御文宗內人鄭中丞特善其小者

南趙

脫匙猶有迹東塘鑄柱可無憑誰更凄凉彈法曲繼樊

稜

南部新書小忽雷以匙頭脫送崇仁坊南趙家修理遂落人間孔東塘有鑄柱二詩樊稜字花坡國初人

此善彈

又

約略琵琶紫塞沙滄江流轉更天涯小別東風雙姊妹

似喬家

贗曲忽逢中使聽餘恩不傍內人斜僥倖何

人親解得領巾花

南部新書鄭中丞忤旨以羅巾縊殺之投河中不死得為梁厚本妻因取

得小忽雷彈之有黃門過識其聲奏文宗乃赦而加賜焉

又

鳳凰龍頭內裏敗當時大小認排行手製西春臣混字
建中滅 爲數唐家公案在消魂不獨馬嵬香留得人
閒雙暖玉鬢滄桑

又

邏迤檀槽肯化灰海藏樓閣有犇雷一片楚園紅葉水
接天來 楚園葱石所居 曲換桃花成小劫禍原甘露是誰胎
又到舊時亡國地莫登臺

國香慢

節庵書寄 崇陵祭糕

絲榼元霜正寶階薦熟舊日鵝行金靈塞垣追馬哭拜

十髮居士全集

定其詞七

七

楚園閣

天香遺諾同悲隆祐奉纁黜分餃筵旁羣鴉恨銜在莫
 損糝花封寄蒸糖 未亡淹賜粥膾飄搖素髮飢死何
 妨乞錢難買知我何處重陽前九日書來言去年今日
八人今年今日亦上 崇陵有詩有 慟失元皇恭儉泣
工人七八千人弟今日登高何處也
 僧舍偏近糕坊分曹愴題字記散絨繚預試會嘗

定巢詞集卷七

定巢詞集卷八

鹿川詞下

甯鄉程頌萬子大著

瑞龍吟

和夔笙見寄韻

斜橋路會記
斂檻評花試簫量
黍惜惜深窈房
攏素箏濁酒憑君話雨
甚聞綺淞泐倚愁籠
照鈿車來去銀屏
髣髴瀟湘倦題畫
裏個人鬢苦
根觸修梅事往浪揉
窮髮霜欺頰羽分袂
聖湖歸來重檢芳素
無涯笑我萍促風飈絮
何時再蘭亭楚笑櫻
食吳語側帽傷心處
半塘更在泉扃
泣露迴睇殘罇
否看淚墨圖成滄桑容

任故歡試省等閒朝暮

壽樓春

送王夢湘還武陵

山中人繇天指桃花作厯秦後無年閱盡前村斜照後
溪炊煙巖下路今何船但往來東風翩然悵若有人兮
舷歌乍闕低抱水雲眠 人閒世歸來篇嚮茆檐曝日
松澗擔泉目斷君山何處二妃嬋娟瓶有酒琴無絃弔
幾番君臣山川縱天問能知知而不言終不傳

又

散帙得叔由黃鶴樓斷句爲足成之時予辟地

漢上

呼江雲來前問仙人素鶴歸去何年又是山城斜照綠
波晴川滄海夢搖空煙憶舊游高歌凭闌由叔看戟走沙
明舟吞葉小翻盡古時天登樓賦臨臬篇儘吹殘鏡
笛悽弔牙絃照徹江山如此月明嬋娟樵載酒漁忘筌
數去來何人能閒祇年少周郎功名競傳談笑閒

八歸

李子申自津門鈔寄詞帙

薊鴻嚮暝江蟬吟驟襟恨正滿雲涯關山不斷斜陽綫
新郵密字珠塵墨暈行歆爲道經秋淮舫別祇潘鬢枯

甚當時念住傍津驛迴橋又鶻迫花期
 湖湄燈偏簾
 卷招人叢桂假山長笑髡枝亂鐘驚醒破帆停宿魂避
 篝火荒祠幾風花劫贖水雲仁話百篇詩忍南北老懷
 暫寄無歌清泪垂

西平樂

寄雲隱翁申江

嶽翠招人岸沙罨騎疇昔共樂湘清家巷尋常嫁桃初
 日追陪社酒攜鬢歎故侶黃墟半逝新恨烏衣易夕爭
 知晦迹窮途誰能躍馬功名誰能二字從詞律休更雕龍繡虎
 奇絕處下筆少人驚越鱸千里淮花半舫聊浪尊前

姑寄平生懷我嚮淞濱歲晚西屋東頭茗芋琴書暫託
嬌女新添惆悵而翁鬢欲星芝輝得爲翁女歸去未宜災年壓
病兵火催詩儻更浮家莫是天涯重攜笑語盈盈

綺寮怨

夢湘見過和蘆中詞韻

伏雨頽廊攜醉茗香頻替花鎮幾日歲熟兵休新亭側
尙欠人家湘翁歸尋社約簞瓢慣擔水泉試沙悵昔游
巷陌依稀青樓女笑客扶杖斜 賸曲記賡夢華江鄉
歲晚蘆中一士藏他畫角霜笳暗吹換幾年涯尋秋瘦
筇誰伴偶畫壁待籠紗杯行禁譁歸槎句未就雲幔遮

歌終淮泊驚殘又作頽巢燕且尋幙歎懷沙有賦無歸
招汝歸來誰慰落寞任鹿川暫託惟倚簞瓢自樂

一萼紅

鹿佺翁七十二歲題蓼園介雅圖用石帚韻

翦松陰坐詩髭幾輩翁髮尙勝簪梅徑煙荒苔廊碣晦
笳鼓驚共宵沈蓼園在問坊路曲驀噤曉春老舊巢禽
半劫河山古稀人世呼酒憑臨 生日今朝何歷但遠

廬歸卧肯抑騷心杯逐螺行經商蟻術鄉老聊賦追尋
指圖角光陰寸惜卜今晝堪抵萬黃金卻話雙柑昔游

隔墅春深

園在定王臺下街南雙柑精舍爲翁外祖
唐確慎公鑑別業翁三十年前舊居也

小重山

掌上重逢今十年小屏籠燭照總依然薄醒花似未開
前東風好爭忍放頭偏歌罷悶厭厭不如乘醉了上
吳船有涯生事阿誰邊家山破歌舞甕中天

千秋歲引

院淺牕明牆低戶徹並照微嫌有嬌月庭花乍迴髻罨
露瓶荷半墮匳堆雪兩襟同四更轉困時節簾畔泥
人香正熱屏畔待人衾方疊萬一冰肌共偎熱當中貼
鴛留影在將明化鳳隨燈滅罷歡纔宿醒解和衣說

紅林擒近

靈巖垂柳圖柳爲余手植高覆靈巖在石巢養
芝仙館西偏

前席金莖渴後堂瓊樹陰替月助幽嫵因風拜樓心驚
怪尋常燕子尙記冷落園林舊陪翠袖芳斟巾裏簇林
檜石罅楸局近絮點硯痕深良辰美景吾涯隨分銷
沈況江山如此人如此樹鏡巖空對霜鬢侵

西河

李佛翼喪其冢嗣儷韓部郎以詞唁之

何世事天公嫁恨吾子湘山樹赭麓雲頽病魂去咫尺故
巢鄰笛倚誰聞梅花吹墮無氣

舊同居石巢

芋圃徑翁俗

倚皎如玉樹頻侍胎奇舊塢過斜陽尙思負米胎奇塢芋園勝
足篋衣抖擻帝京塵蒼茫驚換朝市 劫餘巷口尙故
第蒿吟動王謝鄰里除酒埋憂何地趁兵休社續招翁
一醉同哭興亡滄桑裏

浣溪紗

題王蓉珊女士海漚集二闕

澹影于人畫着螺瘦蟾延想未成歌忍拋詩思奈才何
妙蹟黃初臨洛浦雙栖白下誓明河家山破後儘風
波

又

點鏡閒遍誤小池浴紗涼雨褪絲絲最難將息易安詞
教誦鸚經詮梵語試翻猊鼎合香麝幾生情福有書
知

又

題吳夢舟鳳鳴集

去去歌樓咽粉塵銅街消息冷于春舊臆眉月舊時人
閒驗袖羅消酒暈記從舟上見花身人閒活處可忘
秦

又

題桐陰仁月圖送王琴農北歸

琴農字桐君

鸞羽驚秋問廣寒
琴心自在倚闌干
舊時明月舊長安
竹底籠雲暈袖薄
桐陰浣露浥花殘
別愁新聚兩眉彎

減字木蘭花

前題

關山一葉吹夢暗
驚天下白莫上江樓
有月闌干只駐愁
竹雲深護畫箇無絃
來替汝缺處題名
別樣花枝有重輕

好事近

袁伯夔見過值梅郎
在座留飲次韻

西上破帆風一角梅簾迎客髣髴君家白燕勝輕鸞千
百 春明殘夢幾驚迴鶯外尙寒迹聊共一枝春撚對
江城非昔

太常引

太常仙蝶降陳仁先湖莊之好秋軒爲圖屬題
玉京塵老見伊行瓊駕碾湖光杯在意難忘道是處尋
君睡鄉 津橋有帝湖山賺我僕僕幾斜陽軒好耐秋
藏且伴爾清齋太常

琴調相思引

題傳青主畫抱琴美人贈李二曲款書壬辰冬

曰作

斜抱囊琴悄下帷
強行難遣玉腰肢
破鬟煙縠風過不
成絲
鍵戶春多渾未省
安絃月上了無爲
料應同夢
常避有花時

巫山一段雲

仁先示海藏所書函
髻記爲作行雲圖

楚岫頽爲枕
秦天妙寫妝
斷腸還有幾
生香除髻拜空
王
天上痕非
雨人閒跡似
霜貞元朝士
了荒唐無計
奈媧皇

題上官惠畫冊十二首

字布和汀州入山
水入古勝於竹莊

減字木蘭花

溪山夜雨摹董北苑

睡雲剛醒大地山河慵不整
白屋清泉可許閒人作地
仙矮亭修竹鷄犬爲留雲裏宿
亦有孤篷藏在冥濛
不漏風

清平樂

梅花高士仿吳仲圭

萬嬋娟鼻吐納乾坤氣
山色與人皆古意
香海雪花
地仙翁走過溪橋
滿身雲葉風飄
手撚一枝相訊
江南可挂詩瓢

浣溪紗

林疏石瘦法倪迂

老樹修篁各幾圍
野亭深處訪山薇
坐看奇石戴雲飛
無分得爲媧計補
有時空抱素書歸
莫論竹瘦與人肥

桃源憶故人

桃源春泛仿李昭道

凡夫不稱桃花意
放出漁翁頭地篙
下一溪春水是古
人新淚
水脂山黛真羅綺
鷄犬也爭閒
氣規往畫中
詩裏笑朝川徒弟

卜算子

春江待渡學李營邱

柳浪渡江分岸迴天如網兩點金焦似髻明幾輩桃根
棹花月苦爭晴好趁閒官舫若箇洲邊白鷺心看煞
人來往

西江月

風正帆懸仿洪谷子

望望梁山古戍遲遲浦口歸舟便無風浪也堪愁況是
舳艫煙走際海秋添鼓角橫江影接鐘樓東南何日
定潮頭正盼一帆懸後

點絳脣

曲棧寒雲法郭河陽

劍外何如人煙鳥道窮相附重重棧樹穿近天低處
關有誰當十萬爭豺虎中原阻髻雲堆戶那便鶉啼曙
添字漁家傲

樓觀滄海法巨然

樓觀蒼茫連島嶼一髮神州浸在冥濛樹海色似膠天
似釜相向煮待儂手握詩瓢注近說錢塘潮不舞三
竺雲深尙接韜光曙填海久爲精衛苦休回顧畫中沒
有桑田處

思越人

松江暮泊師範仲立

際海潮痕入浦流
接山松翠傍舟浮
鱸魚買得知霜近
櫻筍食時憶夏游
來越角望吳頭
鴈聲千里勸尋秋
蓬牕卧聽紅簫拍
第四橋邊尙幾樓

一剪梅

煙雨歸莊法米南宮

一舸催人兩鬢霜
舊有漁莊新有書堂
白頭情話感詞場
心似秋娘人似冬郎
畫中煙雨散歸
衰老米縹緗
小米收藏掃晴
明日過江鄉
紅看斜陽綠看垂楊

憶秦娥

秦岱煙雲師王右丞

天下小眼前畫本青難了青難了峰頭抉背更無飛鳥
齊煙幾點雄風掃秦碑幾字壇封倒壇封倒茂陵何
事尙求遺稿

采桑子

七賢度關仿荆浩

終古函關開掩處那見人閒只有雲還一罅浮天萬雪
攢眉山畫土圖賢七衣馬繫嬾意態蕭寒可信猶龍
是等閑

倦尋芳

和贈謝硯穀

簷桃熟後瓶酒還餘吟費魚繭舊賞欣同新恨漫將書
 卷樹密如窺星有竅荀生多傍巖穿眼掩閒扉幾春邊
 共語古簾今燕 約去取巾箱殘稿空笑書傭投筆塵
 濺一醜吾樓但貯夕陽江怨鳳闕孤臨山負辰鹿中賓
 戲壺添箭黯懷沙送君初數峰稀見武昌記城北有鳳
 子家舊藏鹿
 中周器也

遠佛閣

寄夔笙申江用清真韻

楚眉乍斂風挂巘碧迴畫江館繩繫烏短去魂暗掣煙
駭斷雲幔濺箋淚滿書破浪草幽信魚遠分權歌婉夜
艚記取瀛壖判君岸 和闋舊歡夕絳淚穿珠通蟻綫
爭負素樽垂燈羞粉面際未了鶻春催夢風箭十年誰
見共鬢抵匳霜多恨撩亂幾酣吟怨蕉同展

又

送硯穀之松江用前韻

倦塵袂斂晴外柳繫聽路公館橋下篷短怨春去隔江
帆對樓幔餞樽畏滿痕暈鬢老迴照花遠歌意微婉挂
愁半塢吳燈占滄岸 勝集故歡夕界燭啼紅融雨綫

休託太行橫峯當酒面
鎮綠剪淞根歸權如箭待君重
見祇鏡裏眉攢煙思撩亂
拓鸚廊夜書同展

浣溪紗

題凌鑑園鶴嶺聽雨圖二闕

睨睨巢居念獨深
一簑山翠一牕琴
池塘歸夢汨羅陰
定後風波成倂懋
兒時游釣費追尋
不教閒卻老來心

又

鶴嶺依依抱郭斜
讀書風味似田家
十年前樹幾番花
家法寒林新畫本
詩情石谷舊籠紗
那須淹別望天

涯

又

題竹隱山莊圖

竹影如雲盪一窩竹風搖響過書多料量生事在漁簑
老樹絕憐鴉有哺好山長與桂爲阿冶晴花想奈春
何

定集詞集卷八終

定巢詞集卷九

集句詞

甯鄉程頌萬子大箸

菩薩蠻

集唐十闋

蘭迴舊蕊綠屏綠

李商隱

美人獨在空房宿

無名氏

遺落鳳

凰釵

殷堯

澆花濕筍鞋

張祐

燭分歌扇淚

李商隱

含水彎

蛾翠

李賀

欲寄未歸人

孟郊

書羞字不勻

韓偓

又

著詞但見櫻桃破

韓偓

妝成只是薰香坐

王維

隱語笑芙蓉

李賀

羅衫裊向風

溫庭筠

露從今夜白

杜甫

空見凌波襪

劉禹錫

錫生肯不風流羅隱迷藏有舊樓杜牧

又

鈿蟬金鳳皆零落温庭筠內人恐要秋衣着王建强笑欲風

天李商隱身迴夜合偏元稹別中還夢別長孫佐輔彼此名言

絕王昌齡多病意常違羅隱遲眠人不知于鵠

又

更無人處簾垂地李商隱桃花臉裏汪汪淚韓偓忍妒淚休

勻同上非愁亦有嘔吳融啼時驚妾夢金昌緒會與秦樓鳳

隱李商教妾若為容杜荀鶴難分此夜中皇甫曾

又

樓臺深鎖無人到許神仙得似紅兒貌羅虬信到落花時

李中惟教夢寐知韓偓密書題荳蔻李賀強飲沽來酒耿湜死

憶有情人吳融香牋墨色新韓偓

又

憶得雙文衫子薄元稹夜深斜搭鞦韆索韓偓一夜好風吹

合狐含啼向綵帷王維紅樓三十級李商隱綺閣臨初日

吳融眼尾淚侵寒李賀簾烘欲過難李商隱

又

落花不語空辭樹白居易伴郎翠鳳雙飛去許渾芳草踏青

期韓偓居然似夢歸張翥羞多轉面語吳融有意通情處韓偓

春思結垂楊

李白

斷腸還斷腸

杜牧

又

東風小飲人皆醉

曹唐

房房下著珠簾睡

王建

壓酒及花時

張籍

長醒也是癡

韋莊

防閑襟併斂

韓偓

豔極翻含怨

元稹

嬌

倚鈿箜篌

韓翃

雲輕雨易休

吳融

又

好風儻借低枝便

楊巨源

此身願作君家燕

韓偓

飛燕在昭

李白

春風引夢長

楊巨源

不知何處恨

柳淡

已帶傷春病

吳融

嬌甚卻成愁

劉禹錫

空簾且夢游

李德裕

又

明朝驚破還鄉夢李商 銀筆夜久殷勤弄王 怪客有春

李 愁厭嬌歌半欲羞李 續衫金腰褭温庭 何處深春好

元稹 淚粉玉闌珊韓 鴛鴦不識寒吳融

浣溪紗

出都門旅店題壁集唐二十首

鳳子輕盈膩粉腰韓 殘妝和淚溼紅綃江 分明閑坐賭

櫻桃王 士女笙歌來月下白居易 行人歸計在今朝殷

潘 柘枝聲引管絃高白居易

又

翡翠簾垂隔小春殷堯 不教分付與愁人施肩 魂消目

斷未逢真嚴休 昧者不分聰者惑劉禹錫 半緣修道半

緣君元稹 迴文機上暗生塵施肩吾

又

新得佳人字莫愁韋莊 可憐春色獨懷羞趙嘏 步搖金翠玉

搔頭武元衡 鶯也解啼花也發司空圖 傍他門戶倚他樓

李山甫 馬前春事共悠悠羅隱

又

斜凭闌干首重回李山甫 銀泥衫穩越娃裁白居易 亂絲猶

挂鳳凰釵王建 見了又休真似夢吳融 心從別處即成灰

韓偓 方知紅葉是良媒宣宗宮人韓氏

又

更待黃昏對酒樓

吳融

依依春草水分流

劉滄

蟲絲吹落挂

簾鉤

同上

一夜思量十年夢

元稹

萬般人事五更頭

韓偓也

稱春色是悠悠

李咸用

又

暫醉佳人錦瑟傍

杜甫

歡因小飲便成狂

白居易

離人須落

淚千行

崔珏

縱使有花兼有月

李商隱

豈悲相失便相忘

吳融

一生贏得是淒涼

韓偓

又

處處尋芳有折痕

薛能

西鄰年少問東鄰

施肩吾

緣花不免

卻知聞王建

只合雙飛便雙死

吳融

那堪無酒又無人

李商

隱繡屏斜立正銷魂韓偓

又

醉倚東風不點頭

李山甫

六分春色一分休

陸龜蒙

花中占

斷得風流

吳融

一樣金盤五千面

王建

十三絃裏一時愁

白居易

近無書信更堪愛

羅隱

又

眼底桃花酒半醺

李羣玉

酒旗相伴送行人

段成式

舊窗風

月更誰親

趙嘏

誰道小郎拋小婦

白居易

別來如夢亦如

雲

無愁直為倚家貧

李咸用

又

何事行人最斷腸

温庭筠

新春催破舞衣裳

李商隱

阮郎纔

去嫁劉郎

許渾

蠟燭有心還惜別

杜牧

寒衣未寄莫飛霜

王涯人閒百事不思量

姚合

又

聞雨傷春夢不成

韓偓

客中誰最有風情

白居易

武陵一曲

想南征

杜甫

蜀紙磨煤添筆媚

韓偓

風簾殘燭隔霜清

李商

隱已攜孤劍事離程

羅邺

又

一任斜陽伴客愁

包佶

傷心不獨為悲秋

李益

當時七夕笑

牽牛李商

顧我鏡中悲白髮白居易

任他明月下西樓

李益浮沈無計水東流許渾

又

辜負東風十四年吳融就中腸斷是秋天白居易疏簾相伴

宿風煙李商氣力已微心尚在劉禹錫封書寄與淚潺

浚杜甫低頭只是為詩篇朱慶餘

又

獨向長空背鴈行羅鄴九衢塵裏免勞生吳融朦朧猶認管

絃聲韓偓女伎還聞名小小劉禹錫與奴方便寄卿卿韓偓

春來觸動故鄉情白居易

又

送客逢春可自由

杜甫

馬嘶殘雨晚程秋

趙嘏

多情只共酒

淹留

同上

世上浮沈應念我

吳融

夢中歡笑亦勝愁

白居易

玉銜嬌馬索閒遊

李山甫

又

一鴈南來雪滿衣

趙嘏

人言柳葉似愁眉

白居易

一枝枝好

更題詩

司空圖

但是好花皆易落

劉禹錫

誰憐好夢轉相

思

韓偓

水聲嗚咽若東西

許棠

又

別後含懷向曉風

劉禹錫

秦聲楚調怨無窮

顧况

此時離恨

與君同盧綸

半夜雨聲三月盡

韓偓

百年生計一舟中

白居易

易悽悽遊子若飄蓬

皇甫冉

又

夢後城頭曉角哀

願

臨歧終日獨徘徊

皇甫冉

留歡不畏

夕陽催元

生去死來都是幻

白居易

言情不盡恨無

才韓偓猶應醉得兩三回

白居易

又

一度相思一斷腸

韓偓

不知何處是他鄉

李

秋風此日灑

衣裳

杜甫

願得迴風吹海鴈

錢起

驚看白鳥入殘陽

司空圖

一回言別淚千行

盧綸

又

正是王孫悵望時

温庭筠

伴伴脈脈是沈機

韓偓

江涵秋影

鴈初飛

杜牧

繡戶夜攢紅燭市

韋莊

馬鞭梢斷綠楊絲

朱慶

餘

荻花寒渡思悽悽

劉滄

鷓鴣天

題張雨珊年丈湘絃離恨譜

才子詩成定可憐

錢起

能言青鳥罷銜牋

劉禹錫

深知身在

情長在

李商隱

可得潸然是偶然

元稹

歌婉轉

郎大家

月嬋

娟

孟郊

遙將紅淚灑窮泉

劉禹錫

相思只傍花邊立

白居易

白

古多情損少年

韓偓

阮郎歸

集六一詞四闕

門前楊柳綠陰齊
年前心眼期
人生自是有情癡
低頭雙淚垂
寒水碧
草煙低
行人去路迷
來如春夢不多時
而今花又飛

又

擬將沈醉爲清歡
黃昏獨倚闌
一重水隔一重山
夕陽樓外閒
愁眉斂
晚妝殘
拈花子細看
錦屏羅幕護春寒
無人整翠鬟

又

關心只爲牡丹紅
攜手玩芳叢
垂陽紫陌洛城東
無物似情濃
慵不采
覺春空
何處認郎蹤
吹開吹謝苦
匆還解嫁東風

又

莫教銀燭促佳期
離人殊未歸
夜來風雨轉離披
無花空折枝
春豔豔
夢依依
陽臺行雨回
琵琶傍畔且尋思
啼妝更爲誰

玉樓春

再集十闕

誰知閒凭闌干處
惟有綠楊芳草路
楚王臺上一神仙

贏得百花無限如 香車繫在誰家樹
淚眼倚樓頻獨語 日斜歸去奈何春
滿眼遊絲兼落絮

又

腰柔乍怯人相近 紅日長時添酒困
見來無事去還思 滿眼淚珠言不盡
簾香卷穗燈生 暈夢又不成 燈又
燼 隔簾風雨閉門時 萬葉千聲皆是恨

又

也知自爲傷春瘦 清淡園林春過後
落花狼籍酒闌珊 雙手舞餘拖翠袖
葉間梅子青如豆 醉折嫩房紅蕊
嗅無人堪與補殘枝 風雨時時添氣候

又

綠鬢堆枕香雲擁半醉騰騰春睡重休回嬌眼斷人腸
一片風情無處用沈沈庭院鶯吟哢正是浴蘭時節
動無情花對有情人倚闌無語傷離鳳

又

闌干倚徧重來凭不奈多嬌長似困年年三月病恹恹
堪恨風流成薄倖珠簾半下香銷印欲掃殘紅猶未
忍不隨流水卽隨風滿眼淒涼愁不盡

又

樓頭望斷相思眼脈脈橫波珠淚滿人心應不似伊心

可惜天教生處遠
春葱指甲輕攏撚
再拜斂容擡粉
面卻嫌裙慢褪
纖腰點檢如今無一半

又

南園粉蝶飛無數
挽斷羅衣留不住
多情翻卻似無情
去便不來來便去
行人只得偷回顧
淚眼問花花不
語日斜深院影空搖
牆外有樓花有主

又

愁眉斂盡無人見
牙板數敲珠一串
新聲難逐管絃愁
無腸更爲新聲斷
新愁長向東風亂
莫到落花飛似
霰人生何處似尊前
記得玉真初見面

又

綠楊深處鞦韆挂束素美人羞不打閒愁閒悶畫偏長
小院深深門掩亞日爐炭煖薰蘭麝天與多情絲一
把等閒妨了繡工夫傳粉狂遊猶未舍

又

花開未老人年少去韻頃刻光陰都過了坐來雖近遠如
天天若有情天亦老人將紅粉爭花好春色只宜長
恨少尋思還有舊家心老去風情應不到

定集詞九

十一
唐川閣

定集詞集卷九

集詞集卷十

連句詞

甯鄉程頌萬子大箸

多麗

同中實叔由小瀛洲雨集

橫湘舟春寒偏釀春愁

實

又錫簫數聲吹啞溼雲低壓

紅樓

大

浪三篙還停翠纜簾一角乍捲銀鉤

由

鍋慣銷

金壺須買玉幾番拚典鷓鴣裘

實

笑何事尙干池水吹

皺惱盟鷗

大

空拋卻舊游如夢舊夢如漚

由

指東園

梨花開也斷魂人在瀛洲

實

俊紅鴛瘦還禁雨澹黃柳

病欲同秋

大

阜帽倉皇青衫老大等閒休負酒平甌

由

問海上歸來燕子已有定巢不實遠共惜月留三影水

促分流大

金縷曲

同木齋和贈叔由

共汝傷心慣又今宵清歌明月小樓西畔大一桁丁簾

殘燭影照徹歡遊易倦空伫憶溪橋紅板木鏡裏紅飛

春暗省記前番偷眼闌陰見裙衩外冷香展大夢痕

一霎風吹斷笑等閒而今也到碧城闥苑木新顛籬花

紅簌簌輸與斜陽舊管怕風雨添愁無限大拚向尊空

吟惜別算湘江未抵相思半韶悵煞彩雲散木

又

同木齋作

渴損湘虹影問誰將三閭網得載君歸艇大暮雨朝雲

勞悵望幾見巫娥遠靚但颯颯靈旗風緊木此夕閒鴛

都睡也怕吟成更有癡龍聽君半醉我初醒大滄桑

急劫休重省廣相逢酒徒三五尙饒清興木赤縣二分

春色短中晚不如初盛況駭綠紛紅長併大莫便無端

成落魄到天荒地老無人境空獨自淚珠迸木

買陂塘

同中實叔由木齋錄別

乍連宵冷風悽雨天公已把春葬大瓊簫吹得湘魂醒

還為落紅惆悵木簾一桁逗萬古春愁織作真珠浪實

清尊莫放算酒變湘江湘江變酒都是淚痕釀由將

身罥萬樹桃花似網閒蹤依舊無恙大尊前賸有何戲

在憑話舊時眉樣木絃索響聽水閣瀟瀟還似吳孃唱

實桃根喚漿應許學當時鴟夷一舸煙水五湖上由

又

兩三人一般倻懣忍春長是風雨大檐花落盡垂燈黯

拚照幾宵歡聚木吾共汝要世生生總向情天住實

閒愁漫賦料如此江山英雄只合相對數兒女由論

現迷還共聞鷄起舞着鞭誰竟先去大不然便向南山

獵白額那容逃虎木眉黛語勸小隱紅樓莫再封侯誤

實妝臺且據又照見天涯飄零客子同是倦游侶由

又

兩三花一般嬌姹惹他風雨無賴大癡魂只在紅樓角

一片冷雲低礙木春似海卻不道春邊總是愁先在實

相逢定悔便神女生涯非關夢裏夢也可能再由春

宵短漏點更香續債千金寸屢難買大相思別後知何

益枉自手授裙帶木春纜解回別首闌干已隔湘雲外

實着波暮靄任老盡芙蓉攀芳人去誰共涉江采木

蝶戀花

京師同王夢湘和宋韻

以下五闕

月漏簾陰烏隱樹篆出相思不斷沈香縷

大錦瑟華年

絃共柱無人知道春歸去

夢

晴外游絲爭絡絮不管

宵來尚有櫻桃雨

大

睡起籠鸚還獨語畫闌舊是看花

處

又

闌角海棠開未久襯得愁新不道衫痕舊

大

見說斜陽

如病酒傷春一樣春同瘦

夢

薄命桃花如是柳十里

青溪名艷無還有

大

打槩紅橋雙捲袖夢迴又落南朝

後夢

又

待得儂來郎又去且放簾垂隔巷悄悄暮大不是迷藏

花底路中庭枉種相思樹夢梁燕一雙癡共語省識

春歸為帶愁歸否大昨夢江頭輕似絮繞船明月入何

處夢

踏莎行

小閣妝纔迴廊立徧中門映處儂初見大青梅竹馬一

年年而今不是當時面夢刻轍描鴛搔頭隔燕千金

不換華年轉大紫微花頂日低橫簸錢聲是誰家院夢

虞美人

清明寒食花開了漸覺春風少夢小鶯遮莫咒春風難

得一春將息病愁中大幽階過雨鴛痕在鈿約因誰

改夢不提前事不關愁只恨夕陽如水背花流大

洞仙歌

同叔由詠李文石所藏牙美人

香瘢冷暈鎮檀牀遙夜七寸中璋比身價大定前生住

向佛國訶伽偷換卻玉骨盈盈一把由靈犀忼不語

鴛被雷驚花入凝脂化身化大莫是李夫人忘卻披香

翩珊影簟紋深亞由恁婀娜懷中袖中藏贗刻骨相思

好春慵嫁 大

鶯嗁序

夔笙自夔來舍鶯坊偕顧印伯陳伯完譚藝旬
日黃伯香爲圖合題錄別夔笙且赴揚州訪王
半塘時癸卯臘會日

時晴峭寒共忍鎮商量酒戶

印

況清絕眉月窺簾玉梅

相對愁暮

完

怨襟共山屏翠淺消魂客似長亭樹

夔

慕

飄燈叢玉鳴窗舊歡重絮

大

黯說巴山話雨夜短墮

篷窗淺霧

印

又京國鳴筑搗箏綺情題滿縑素

完

剗前

塵鬢天杏約忍偷換垂楊金縷

夔

暝隄空移纜江梅暗

十髮居士全集

定集司十

五

卷八

驚眠驚 大

西鵝牒在北鴈書沈有情枉倦旅

印頓悟

澈鬢絲金鏡靚影鸞悄劍攝癡虹榻迷花雨

完華年錦

瑟黃塵烏帽霑巾同下新亭泣待孤帆晚截金焦渡

夔

搏沙幾輩羈游荷鋪江皋世外甚處閒土

大

風幰颭

夕畫舸乘秋有艷歌白芒

印

恰鏤琬離妝晨檢小印泥

封硯鴉慵指渚鴻低舞

完

夔笙乞子大為其姬人卜媿鏤小印

瓊簫倚鳳

銅槃消蠟人生安得無聚散漫驪歌調損鴟絃柱

夔分

榆憑訊詞仙帽影邗江半塘健否

大

金樓曲

石巢歲晏與黎仲蘇袁叔輿李子申胡晴初汪

孟萊黃亶心陳伯完詠雪四闋

園林

凍合銀塘水更何人撫松題石與尋冬味萊六扇冰紋

斜窗隔天色茫茫漉紙問色外誰量空趣大曾記玉人

私攜手驀驚寒翠袖闌干倚村又晚酒情昵完香鞋

步步銷紅齒詫扶梯樓陰愛犬墜懷歡喜蘇鱗甲飛雲

雕費卧拚篆龍涎石几且閉閣燒羊燔麋輿醉白虛堂

年涯永待梅花明月扶僮起冰蕊嚼得詩未大

又

閨閣

十變居士全集

定集同上

六

鹿川閣

玉戲玲瓏巧鎮閒
閨夢雲都溼翠禽雙小
申 早是昨宵

饒鴛被香汗餘痕未了
休誤怪寒生幽悄
大 鈿粟生肌

眉銷翠共梅花不睡剛
愁曉鸚架外亂瓊掃
晴 珠簾

自颺金鈎倒任疏疏涼
颺浸入暗欺春早
蘇 繡帶豐貂

珠盤額儂是天然愛好
那更覓宮砂紅搗
完 怪底檀郎

相尋誤背搏獅影
傍晶匳皎風與絮倩魂渺
大

又

江湖

落魄青樓別趁瀟瀟
漁榔渡口不留紅葉
大 十載楚窗

同聽雨魂共滄波冷
咽攪碎珮銀龍飛月
輿 枕上寒鐘

疏更斷念堤邊髡柳無人折
蘆荻響併愁歇

賈

丹梯

畫省都能說
只年來扁舟載酒夢
衾如鐵

蘇

酒價長安

休重問孤盞
松醪自熱漫坐對江天
淒切

申

篷背更無

鷗過影莽前程
不辨峰千疊
波路涸酒腸窄

大

又

關塞

一白無逃虎莽空邊地肥
天瘠草乾風苦

蘇

古驛茫茫

千峰外低帳牛羊索乳更怕聽
霜笳淒楚

申

馬汗桃花

迷歸獵叱飢鷹橫刷天山樹
羶幕冷慘雷鼓

大

蠻姬

嬾學妖魔舞頓連山胭脂減色
望中愁暮

晴

蹄鐵南飛

紅旗動應有胡兒暗度更蹴起冰花無數完羔酒夢迴

金缸暖又晨催戍角聲三五邊燧斷怨都護萊

臺城路

壬子七月由父過鄂同楊喆甫集印伯塞向宦

作和玉田韻

飄然一葉知何向相看暗驚秋老由鶴外無人琴邊尙

月橫睇江干頽笑大情絲未了付柳颭涼衫藕簪吟帽

印更趁良辰瑣牕分檢舊時草喆空山雲去更窈墜

歡如夢盡和恨都少由繞匝驚枝深懷漑釜甚處叢阿

山小印搏沙易惱又赭樹迷湘去禽催曉大閱漏流光

等閒鷗夢好 詰

浪淘沙慢

同由父宿王病山漢寓和美成韻

怨江頭人穿故壘鳥訴危堞 大 桓笛臨風未發牙琴向

曉又闕正倦客歸來腸百結 由 短歌罷玦玉敲折甚亂

柳驚蟬乍欹枕還來助愁絕 病 歸切瘦蟾賺夢宵闕

問聽雨歌樓人何在廢礎蠶共咽量世事驚心除死惟

別 大 楚妃淚竭知甚時重倚湘春啼月殘醉醒珠塵先

乾離魂黯蕙馨併歇 由 鴈書杳金波圓易缺幸生也不

是無涯攬鬢色臨觴莫訝干莖雪 病

水調歌頭

九日同印伯集病山漢寓和稼軒韻

病山亦號潛木

風雨咒天止一權酒船開船開正望黃鵠樓觀倚崔巍

大莫問催租興敗且向江湖載酒佳日客能來印醉起

屢傲舞天地正氛埃病公等事拚倒放眼前杯儘教

歌舞江甸白骨繞青萊大憑仗酒人幾輩消卻閒愁萬

斛騰笑睨琴臺印更喝長江月住影共徘徊大

臨江仙

同夔笙作八闋

碧樹門闌初過雨天涯又共芳尊夔青衫換卻少年痕

欲回花意纔先遣酒情温

大

舊約湘皋愁解珮番風

不到蘭蓀

夔

登樓切莫怨黃昏更無芳草外何處憶王

孫

大

又

樓外斜陽如水潑垂條掃盡誰來

大

似曾幽夢到莓苔

綠牕紅燭短莫惜倒金杯

夔

海燕有情商去住風櫺

六扇須開

大

尋常門巷亦蒿萊江南眉樣月留照庾郎

哀

夔

又

海氣着衣能被暑玉驄嘶過銅街

大

綠牕朱戶勝蓬萊

夫容開畫幃香影暫徘徊

夔

黃雨滿城人中酒玉盤

新薦楊梅

大

流年不換舊情懷鑪煙如我瘦辛苦未成

灰

夔

又

側帽行吟滄海上朝潮夕汐蹉跎珍珠淚少月明多

夔

牛郎過後恨龍女嫁時歌未暝尙看樓閣在小簾能

卷嗟峨

大

倚闌誰唱定風波癡雲成慘碧猶自伴姮娥

夔

又

皺水橫塘風不定垂楊舊繫吳船

夔

酒情搖幌向人青

那堪初上月來照可中亭大別後琵琶多怨曲夢回

依約雲屏夔更無人與訴飄零玉獨殘局亂金雀畫堂

肩大

又

二十四橋春晚晚三生杜牧誰知青青薺麥換芳時夔

瘦西湖畔柳猶自鬪腰肢大儘有狂名消薄倖青樓

夢覺還疑簾波笛語各淒其夔一鉤金落索八犯玉交

枝大

又

曾拾殘香樓半碣夢迴人倦潮生隔簾花似鏡中行大

小名呼好好薄醉不卿卿 桂漿蘭橈今在否鴛鴦也

莫飄零夔海西龕去幾陰晴庭花江上曲分付與誰聽

大

又

掩抑鶻絃彈楚調舊人新月温存者回飛絮到萍根夔

桃花新換劫何處問仙源大彩筆祇今慙秀句非干

賦別消魂夔柔鄉萬一有乾坤總饒金鑄淚莫遣麝成

塵大

浣溪紗

集東池別墅與洪味丹周葡隱贈張雲郎三闋

一片癡雲澹欲流半牕涼雨乍疑秋大有人簾下待梳

頭丹

罷澡蘭香重五節遲探荳蔻十三樓葡玉娥郎

倚鈿篋丹

又

樓角飄燈未散愁玉花裙帶掩雙鉤大柘枝纔罷一迴

眸丹

李妹重逢輕掠馬楊妃再世笑牽牛葡為君彈

淚按伊州丹

又

吹皺蓮東一夕波大詞人心力費消磨葡歌酸酒辣奈

愁何丹

畫裏真真天未遠花前好好地無多大張星

YORK UNIVERSITY
 JUL 03 2001
 EAST ASIAN STUDIES

定集詩十

一點近秋河

葡

定集詞集卷十



